

舍利弗阿毗曇論卷第十五

寫一

姚秦天竺三藏曇摩耶舍共曇摩崛多譯  
寫一

非問分煩惱品第十一

有一人出世如來無所著等正覺斷惡不善  
法生諸善法斷苦法得樂法寂靜諸漏滅諸  
漏除諸所作業能得寂靜第一義清涼究竟  
盡究竟梵行究竟安樂究竟苦際得涅槃以  
是因緣故今當集諸不善法門

得利養恃得恭敬恃尊重恃備足恃師範恃  
戒恃徒衆恃黨侶恃長宿恃力恃神足恃禪  
恃無求恃知足恃獨處恃阿蘭若恃乞食恃  
糞掃衣恃我能離荒食恃一受食恃塚間恃  
露處恃樹下恃常端坐恃隨敷坐恃但三衣  
諛謔邪敬現相求利依使歎索以利求利我  
勝嗜味不護戒瞋相變忿尊教違尊教戾尊  
教欺陵捶打斛斗欺秤欺財物欺傷害繫閉  
批摸侵奪故作長語橫語輕謗迫憎詐善隱  
藏共畜好說官事世間事兵鉅事鬪戰事大

臣事車乘事婦女事華鬘事酒肉事婬欲事牀卧事衣服事飲食事沽酒處事親里事若干語思惟世間事說海事不知法不知義不知時不知足不知自身不知衆生不知人不知勝劣人如邪見邊見倒見求覓見求覓戒求覓戒道身見搔動自讚無信不覺慳惜面譽遮惜不信業報毀施毀學自歎譽怨虛歎不自在屬他事他不怨憎怨憎沒沉心悲不厭定不勤進不忍辱非威儀不受教近惡知識惡親厚取惡行惡行親近怯弱者受怯弱

法知怯弱持怯弱法不順思惟親近怯弱道劣心亂心喜諍寬禁戒敬邪法退善法掉嚴身險耐恥狂言不記外念隨憂喜自高毀他不敬不自卑不實敬難滿難養寂惰懈怠中退後善欲勤勤苦貪貪勤纏惱悲苦憂念衆苦恐怖弱顏強顏疑惑無親善障礙不可  
爲善妨邊實不親近離卑下自強耐辱隨貪自舉自放無恃離禪不悔舍忿恪惜邪教諍訟非遜敬失災喜求失非行來禪無益禪不知恩不知已恩輕毀瞋恚性惡剛強斷修學諫

呵退憤呵已亂說橫生瞋恚所可不成呵不  
自明取身見餓舉身見惱憂身見求身見親  
近身見身慢見遊戲惜身見我身見欲染共  
欲染悲不親憎樂欲希望不退重希望究竟  
希望不足不滿礙著灑散如水津流沉沒愛  
枝網能生苦本欲得嗜著燃渴居宅堪忍塵  
瘡愛法失念不正智不護諸根門食不知足  
無明有愛有見非有見欲漏有漏欲求有求  
害戒害見戒衰見衰戒衰命裏儀衰行作惡  
不作善親近在家親近出家以一緣生欲染

以二緣生邪見瞋恚伺怨懷恨焦熱嫉妒慳  
惜句變多奸欺無慙無愧矜高諍訟貢高放  
逸慢增上慢二法內和合外和合內外合希  
望大希望惡希望貪惡貪非法欲染三不善  
根三難伏三闇三荒三纏三動內三垢內三  
競內三惡內三網力內三害內三憎三毒三  
第一勝三閻聚三刀復有三刀三愛三不攝三惡  
行身三惡行意三惡行三不淨三不覺三不  
直三瘦陰三欲三想三覺三求三火三溫三  
暖三炙三熱三燋三惡三有三漏三不輕三

不輕三不除三法四流四軋四取四染口四惡行四結四箭四識住處四緣生愛四愛和合四惡道行四業煩惱四顛倒四怖復有四怖復有四怖復有四退轉竟四法五欲五蓋五下分煩惱五上分煩惱五道五心荒五心繚五怖五恐五無間五犯戒五非法語五不繆五相憎五瞋恨法五憂根法五嫉妬五緣十煩惱使十煩惱結十想十覺十邪十惱事十不善業道十法成就墮地獄速如攢鉢十一心垢二十種身見二十法成就墮地獄速不敬父母不敬沙門婆羅門不敬親長五法六依貪喜六依貪憂六依貪捨六染六樂復

有六愛六恚六鉤六防護六諍根七共染七共欲染七識住處七慢七不敬七漏七怯弱法七動七自恃七求七摸七作七生八世間法八非聖語八懈怠事八難處八妨修梵行九若干法九愛根法九衆生居九犯戒過患十煩惱使十煩惱結十想十覺十邪十惱事十不善業道十法成就墮地獄速如攢鉢十一心垢二十種身見二十法成就墮地獄速如攢鉢二十一心垢三十法成就墮地獄速如攢鉢三十六愛行三十法成就墮地獄速

如攢鉢六十二見

何謂恃生衆生貴生以生自高以生爲境界  
若心憶念謂生妙好而以自高是名恃生復  
次恃生我生勝彼中生彼生卑世間諸生中  
寫一  
我生最勝衆生重於生常敬於生若心憶念  
諸生妙好而以自高是名恃生恃姓恃色恃  
財貴恃尊勝恃豪族恃無病恃年壯恃命壯  
恃工巧恃多聞恃辯才恃得利養恃得恭敬  
恃尊重恃備足恃師範恃徒衆恃黨侶恃長  
宿恃力恃神足恃禪恃無求恃知足恃獨處

恃阿蘭若恃乞食恃糞掃衣恃我能離荒食  
恃一受食恃塚間恃露處恃樹下恃常端坐  
恃隨敷坐恃但三衣亦如上廣說何謂諛諂  
若依他求利改變儀式現攝諸根是名諛諂  
何謂邪敬若依他求利飾辭美言將順他意  
詐現巧便以是行敬恭敬是名邪敬何謂現  
相求利若依他求利見有衣食卧具醫藥諸  
物心希欲得現相稱好是名現相求利何謂  
依使爲人役使雖復輕賤以利故隨逐不息  
是名依使何謂歎素若依他求利見有衣服

飲食卧具湯藥諸物心希欲得先歎其善復言我須是名歎索何謂以利亦利心希欲得若從彼人得利以示此人若從此人得利已示彼人此所得利向彼歎譽此施主彼得所利向此歎譽彼庵主若如是得利是名以利求利何謂我勝富一若以慢自高謂身勝是名我勝何謂嗜味貪食多求種種味是名嗜味何謂不護戒若捨出家威儀是名不護戒何謂瞋相變若起不善心令諸根變異若以十惱一一發起令諸根變異是名瞋相變何謂忿

尊教尊謂佛佛弟子若教授便拒違瞋忿或多語或顰蹙現瞋若教令慎護重禁便拒逆瞋忿或多說或復顰蹙現瞋是名忿尊教何謂違尊教尊謂佛佛弟子若教授令慎護重禁違返是名違二尊教何謂戾尊教若世尊所制莫作是說莫作是作莫作是言莫作是分別彼不作是說故說不應作是作故作不應作是言故言不應作是分別故分別是名戾尊教何謂欺陵若於衆生觸惱輕憐不欲斷害其命是名欺陵何謂捶打若輕易手捲捶

打是名捶打何謂斗斛欺若不等心受出多少是名斗斛欺何謂秤欺若不等心受出輕重是名秤欺何謂財物欺若好物中雜惡物若分種種物若以繩界定移本處是名財物欺何謂傷若侵破他人身是名傷何謂侵害若輕懷衆生瞋恚希害欲斷其命是名侵害何謂繫閑若衆生爲生死纏縛常處幽閻是名繫閑何謂批摸若起不善心以手求覓是名批摸何謂侵奪若起不善心於他財物侵欺劫奪是名侵奪何謂故作若心起不寂靜

行心知而造是名故作何謂長語若橫言輕謗是名長語何謂橫言若無義語是名橫言何謂輕謗若無實誑他是名輕謗何謂迫憎若國王國王臣吏若蹴踖因苦取他財物是名迫憎何謂詐善若欲欺誑若取財物而現親附是名詐善何謂隱藏若人共物未分私取好者覆匿是名隱藏何謂共畜若人已行籌分物以物不善強擇取好者是名共畜何謂好說官事常以官法言者或言籌筭或言長短染樂是事是名好說官事世間事兵甲

事鬪戰事車乘婦女事並毛髮事酒肉事姪欲事牀卧事衣服事飲食事沽酒事親里事亦復如是若染樂其事何謂若干語除上樂說事若餘事衆生異物異境界異自然異是名若干語何謂思惟世間事若憶念爲首思惟世間成壞是名思惟世間事何謂說海事若以海爲言首或說諸寶或說真僞染樂其事是名說海事何謂不知法若於善不善無記法不知自相不觀相不分別相是名不知法何謂不知義若於諸法今世後世義不知目

相不觀相不分別相是名不知義何謂不知時若不知時節應入聚落應出聚落應誦讀應受學應思惟於此時不知自相不觀相不分別相是名不知時何謂不知足食不知足言不知足不知自相不觀相不分別相是名不知足何謂不知自身不知我應有如是信如是戒如是學問如是施如是慧如是應答若於此法不知自相不觀相不分別相是名不知自身何謂不知衆若刹利衆婆羅門衆居士沙門衆應如是往反應如是坐起應如

是言默若於衆中不知自相不觀相不知分別相是名不知衆何謂不知人若持戒毀戒人若可觀人若於此人不知自相不觀相不分別相是名不知人何謂不知勝劣人若尊卑人不知自相不觀相不分別相是名不知勝劣人何謂邪見或有人起如是見無施無與無祠無善惡業報無今世後世無父母無天無化生衆生無世間沙門婆羅門正趣正至若今世後世自知證分別說是名邪見何謂邊見若見一切有見一切無見一切一見

一切異若見一切種種是名邊見何謂倒見若見正覺謂非正覺若非正覺謂是正覺若見善法謂非善法若見不善法謂是善法若見正趣沙門婆羅門謂非正趣若非正趣沙門婆羅門謂是正趣若有作是見我樂世樂後生當樂恒常不斷不變易法常當定住是名倒見何謂求見見若於諸見中選擇選擇已是名求見見何謂求見戒若以戒爲淨若貪求批摸是名求見戒何謂求見道若以道爲淨貪求批摸是名求見道何謂求見戒道

若俱以爲淨若貪求批摸是名求覓戒道何謂身見若我見何謂我見或有人謂色是我色中有我色是我有我是色有見受想行識亦如是是名身見何謂躁若動止輕速疾是名躁何謂自稱若歡美過能是名自稱何謂無信若不信不入信不勝信不真信若心不信是名無信何謂不覺若無慧是名不覺何謂慳惜若貪不捨是名慳惜復次慳惜憎他施與利養所須是名慳惜何謂面譽不求他則利隨順他意對稱其善是名面譽何謂遮

寫一惜若慳惜財物令人防護門戶忍沙門婆羅門得入乞求是名遮惜何謂不信業若於善不善無記業中不解重不解究竟不解是名不信業何謂不信業報善不善業有報若於此報不解重不解究竟不解是名不信業報何謂毀施若非法行施者是名毀施何謂毀學若非學者是名毀學何謂自勝若自高我有信戒施聞智慧辯才是名自勝何謂譽怨若人有怨家欲現其惡反稱其善有信戒施聞慧辯才是名譽怨何謂虛歎心有邪悔若

無信戒施聞慧辨才歎說言有是名虛歎何謂不自在若煩惱心起所作衆善不得隨意是名不自在何謂屬他若業不淨若欲現親或作奴僕侍從是名屬他何謂事他苦與貴勝遊遊戲笑恃爲形勢是名事他何謂不怨憎若愛喜是名不怨憎何謂怨憎若瞋忿是名怨憎何謂沉沒若善法發退是名沉沒何謂心悲若心不善悲是名心悲何謂無厭若於生活具多欲不止是名無厭何謂不勤進若於善法意不專樂是名不勤進何謂不忍

辱若於善法不能堪忍受是名不忍辱復次不忍辱或有不耐飢渴寒熱風雨蚊蟲蟆子不適意語若身心苦痛酸楚終時刀風解形不能堪忍受是名不忍辱何謂非威儀若毀佛結戒是名非威儀何謂不受教若如法教授心不敬順是名不受教何謂近惡知識若殺生盜竊邪婬妄語飲酒放逸處若近此人作知識重知識究竟知識相敬念是名近惡知識何謂惡親厚若殺生盜竊邪婬妄語飲酒放逸處若共此人親厚重親厚究竟親厚

相敬不離是名惡親厚何謂取惡行依殺生者學殺生心向彼尊上彼傾向彼以彼爲解依盜竊者學盜竊依邪婬者學邪婬依妄語者學妄語依飲酒放逸處者學飲酒放逸處心向彼尊上彼傾向彼以彼爲解是名取惡行何謂惡行若不善增眾行是名惡行何謂親近怯弱者若不信者無慙無愧者不學問者懈怠者失念者無慧者若親近此人恭敬承事是名親近怯弱何謂受怯弱法若怯弱者所說法恭敬受行是名受怯弱法何謂知

怯弱若怯弱者所說法惡法善聽受心能分別是名知怯弱法何謂持怯弱法若怯弱者所說法若持此法正持住不忘相續念不失是名持怯弱法何謂不順思惟若不順善思惟是名不順思惟何謂親近怯道謂邪見乃至邪定若親近多修學是名親近於怯道何謂劣心若心懈怠是名劣心何謂亂心若心散在五欲色聲香味觸是名亂心何謂喜諍若諍訟若繫閉常相違返是名喜諍何謂寬禁戒若缺若荒若垢離禁戒是名寬禁戒何

謂禁邪法若惡不善法以此爲尊能得定是  
名敬邪法何謂退善法若出世間法於此法  
發退是名退善法何謂掉若掉動心亂不寂  
靜不正寂靜是名掉何謂裝身若自捫飾是  
名嚴身何謂險若身意業起動不順是名險  
何謂耐恥若在衆不問妄說是名耐恥何謂  
狂言若縱語不攝是名狂言何謂不記若失  
念善是名心不記何謂外念若念在五欲色  
聲香味觸是名外念復次外念若念外道若  
敬念外道心在彼法是名外念何謂隨憂喜

若俗間有種種喜樂種種憂苦心有希求隨  
順和同是名隨憂喜何謂自高若歎身相好  
名能是名自高何謂毀他若說他長短是名  
毀他何謂不敬若輕慢尊長無有敬畏是名  
不敬何謂不自卑若不下人是名不自卑何  
謂不實敬若於淨行者種種稱美虛僞不真  
是名不實敬何謂難滿若飲食無厭是名難  
富一滿何謂難養求美味是名難養何謂窳墮若  
懈怠是名窳墮何謂懈怠若窳墮是名懈怠  
何謂中止若求上利則易緣懈怠故便息是

名中止何謂後善若於善法中失滅沒是名後善何謂欲勤若樂著於欲是名欲勤何謂勤苦若種種昔身但非聖法無儀無益無義是名勤苦何謂貪若愛廣大極於彼岸是名貪何謂貪纏若愛廣大極於彼岸是謂貪纏何謂惱若衆生若干苦所逼若惱重惱究竟惱內焦熱内心疊憤是名惱何謂悲心若衆生爲苦惱所逼惱箭入心若哭泣口說追憶不捨是名悲心何謂苦若身不忍受眼觸苦受耳鼻舌身觸苦受是名苦何謂憂若心不

忍受苦是名憂何謂衆苦若爲種種苦所逼心無停息是名衆苦何謂恐怖若心驚動是名恐怖何謂弱顏若作善法聃闍喜著是名弱顏何謂強顏如小兒言無忌難是名強顏何謂疑惑二心猶豫不能斷結是名疑惑何謂無親若遠離善法是名無親何謂善障礙若背善法是名善障礙何謂不相可若喜鬪諍繫纏共相言訟是名不相可何謂善妨若作善法因生自高是名善妨何謂邊實若邊見者執所見爲堅實是名邊實何謂不親近

若不親近佛佛弟子不供養恭敬禮拜是名  
不親近何謂近離若曾親近佛佛弟子供養  
恭敬禮拜後便廢退不復親近供養恭敬禮  
拜是名近離何謂卑下身口意業作欺詭不  
實更劣法是名卑下何謂自強若起不善心  
現身口意是名自強何謂耐辱若貪著世俗  
法希求往來不息是名耐辱何謂隨貪若貪  
建利養不自不矢善人相是名隨貪何謂自  
舉若身口意業共掉是名自舉何謂自放若  
心涌散不攝是名自放何謂無持若手足煩

撓無有定操縱橫畫地是名無持復次無持  
若好行來是名無持何謂離禪若不親近寂  
靜處是名離禪何謂不悔若起不善心歡喜  
踊躍無有變失是名不悔何謂含忿若有不  
可常使不息因增煩惱是名含忿何謂惜  
若於財法護念不捨是名心惜惜何謂邪教  
若說邪法是名邪教若邪見者集聲音句言  
語口教是名邪教何謂諍訟若求他長短不  
生和順是名諍訟何謂非遜若所業心高無  
有敬順是名非遜何謂敬失若敬自下非法

是名破失何謂災喜若見他喪失反生喜悅是名災喜何謂求失若有惡嫌常伺缺漏是名求失何謂非行若比丘犯失威儀作非威儀行是名非行何謂來禪若人聚集處心求名利便現坐禪相是名來禪何謂無益禪若人坐禪無儀是名無益禪何謂不知恩若從他得財施法施不知分別正分別不緣分別是名不知恩何謂不知已恩若曾從他得財物施法施不受恩是名不知已恩何謂輕毀若說他過失心不忌難是名輕毀何謂瞋恚

若忿怒不護他意是名瞋恚何謂性惡若身口意本暴是名性惡何謂剛硬若無有忍辱行是名剛硬何謂斷修學若遮他作善是名斷修學何謂呵諫反生譏責若人作惡善諫不受是名呵諫反生譏責何謂呵諫亂語生恚何謂呵諫不成何謂呵諫不明皆如上說何謂取身見緣身見故取身見身見惡故取身見如險難道有草木叢林覆上趣彼道者不知高下深淺如是取身見者不識是非好惡是名取身見何謂身見餓緣身見故身見

餓身見惡故身見餓令衆生處諸苦難如道  
中何餓禽獸惡蟲餓人非人餓如是趣彼道  
者受無量種種苦如是趣身見受諸苦痛不  
至彼岸是名身見餓何謂立身見憶若樂起  
身見是名立身見憶何謂憂身見若緣身見  
故生憂惱重生究竟生憂惱是名憂身見何  
求身見若緣身見故邪求色受想行識是  
名求身見何謂親近身見若緣身見故親近  
色受想行識是名親近身見若緣身慢見若  
緣身見故身慢嚴飾已身是名身慢見何謂

遊戲身見若緣身見若緣身見欲取愛色受  
想行識是名惜身見若緣身見故取我色受  
想行識是名我身見何謂欲若欲界欲色無  
色界欲是名欲染共欲染悲不憎樂欲亦如  
是何謂希望若愛初觸是名希望何謂重希  
望愛若廣大未極彼岸是名重希望何謂究  
竟希望愛若廣大以極彼岸是名究竟希望  
何謂難足若欲界不足色無色界不足是名  
難足難滿著灑津流沒枝網生本希嗜焦渴  
宅忍塵瘡愛亦如上說一法竟

何謂失念若捨善念是名失念何謂不正知  
或有比丘不以正知去來屈伸回轉服僧伽  
黎執衣持鉢飲食便利解息睡眠行住坐卧  
眼時覺時默時不自護行是名不正知何謂  
不護根門若見色取是名不護根何謂食不  
知足若不量食是名食不知足何謂無明若  
癡不善根是名無明何謂有愛若色無色界  
愛是名有愛何謂有見若常見是名有見何  
謂非有見若斷見是名非有見何謂欲漏若  
貪著欲界法是名欲漏何謂有漏若貪著色

無色界法是名有漏何謂欲求若欲界求度  
欲界未知欲界未斷欲界陰界入色聲香味  
觸法若求覓聚集是名欲求何謂有求若色  
界無色界未度色無色界未知色無色界未  
斷色無色界陰界入禪解脫定入定若求覓  
聚集是名有求何謂不持戒若破戒若不持  
馬戒是名不持戒何謂害見若六十二見及邪  
見是名害見何謂戒衰若毀戒不護持是名  
立五戒衰何謂見衰若六十二見及邪見是名見  
衰何謂衰命若邪命是名衰命何謂衰儀若

非威儀行是名衰儀何謂衰行若比丘非自  
境界行是名舉行何謂作惡不善法成就是  
名作惡何謂不作善出世間善法若不作不  
成就是名不作善何謂親近在家若順世間  
違於正行是名親近在家何謂親近出家若  
不順在家違於世行是名親近出家何謂二  
緣生欲染若緣淨色緣不順思惟生欲染是  
名二緣生欲染何謂二緣生瞋恚緣怨憎緣  
不順思惟是名二緣生瞋恚如烟荒何謂  
二緣生緣見緣他邪說緣不順思順生邪見

是名二緣生邪見何謂瞋恚若心怒重忿怒  
是名瞋恚何謂伺怨若欲報仇纏究竟纏心  
行癡業究竟忿怒若瞋恚是名伺怨何謂懷  
恨若心垢穢煩惱所汙是名懷恨何謂焦熱  
若不適意而生憂惱是名焦熱何謂嫉妬若  
他得利養尊重恭敬禮拜而生嫉妬重嫉妬  
究竟嫉妬是名嫉妬何謂憚惜若財施法施  
貪惜不捨聚集樂著是名憚惜何謂句變若  
於尊勝及餘人前爲名聞虛譽故自覆過失  
詭譎他人是名句變何謂奸欺若心邪曲不

正是名貳欺何謂無慚若自作惡內心不悔是名無慚復次無慚若人無慚於可恥法不恥於惡不善法不恥是名無慚何謂無愧若自作惡不羞他人是名無愧復次無愧若人不愧於可羞法不羞於惡不善不羞是名無愧何謂矜高慢他自譽是名矜高高何謂諍訟若起身口意不善掉動麁言忿惱是名諍訟何謂貳高若起不善心嚴飾已身稱歎已善意不開解是名貳高何謂放逸若不攝亂念是名放逸何謂慢若言我勝是名慢何謂增

上慢言我與勝等是名增上慢二法竟何謂內集若於內法中欲染共欲染悲不增樂欲希望重希望究竟希望難足難滿貪瀝津漏沒枝網生本希嗜著燒渴宅忍塵瘡愛是名內集何謂外集若於法欲染共欲染乃至塵瘡愛是名外集何謂內外集若於内外法欲染共欲染乃至塵瘡愛是名內外集何謂希望若自有善法希望故欲令他知是名希望何謂大希望若多希望是名大希望何謂惡希望若自無善法希望欲令他知有善

是名惡希望何謂貪若於自物因賂妻子等  
貪欲染貪著是名貪何謂惡貪若於他物財  
賂妻子等欲令我有貪欲染貪著是名惡貪  
何謂非法欲染若母師妻等作欲染行是名  
非欲染何謂三不善根貪不善根恚不善根  
寫一  
癡不善根是名三不善根何謂三難伏欲難  
伏恚難伏癡難伏是名三難伏何謂三閻貪  
閻恚閻癡閻是名三閻何謂三荒欲荒恚荒  
癡荒是名三荒何謂三纏欲纏恚纏癡纏是  
名三纏何謂三動欲動恚動癡動是名三動

何謂內三垢欲垢恚垢癡垢是名內三垢何  
謂內三競欲競恚競癡競是名內三競何謂  
內三怨欲怨恚怨癡怨是名內三怨何謂內  
三網欲網恚網癡網是名內三網何謂內三  
害欲害恚害癡害是名內三害何謂內三憎  
欲憎恚憎癡憎是名內三憎何謂內三毒欲  
毒恚毒癡毒是名內三毒何謂三勝我慢不  
如慢增上慢是名三勝何謂三閻聚疑惑我  
過去有我過去無何姓過去有何因過去有  
疑惑我當來有我當來無何姓當來有何因

當來有疑惑我現在有現在無何姓現在有何因現在有是名三闍黎何謂三刀欲刀恚刀癡刀是名三刀何謂復有三刀身刀口刀意刀是名復有三刀何謂三愛欲愛有愛非有愛是名三愛何謂三不攝身不攝口不攝意不攝是名三不攝何謂三惡行身惡行口惡行意惡行是名三惡行何謂身三惡行殺盜邪淫是名身三惡行何謂意三惡行貪恚邪見是名意三惡行何謂三不淨身口意不淨是名三不淨何謂三不覺身口意不覺是

名三不覺何謂三曲身口意不直是名三曲何謂三痰陰欲痰陰恚痰陰癡痰陰是名三痰陰何謂三欲欲欲恚欲害欲是名三欲何謂三想欲想恚想癡想是名三想何謂三覺欲覺恚覺害覺是名三覺何謂三求身求口求意求是名三求何謂三火欲火恚火癡火是名三火何謂三燶欲燶恚燶癡燶是名三燶何謂三煖欲煖恚煖癡煖是名三煖何謂三炙欲炙恚炙癡炙是名三炙何謂三熱欲熱恚熱癡熱是名三熱何謂三燋欲燋恚燋

癡無是名三焦何謂三惡身惡口惡意惡是  
名三惡何謂三有欲有色有無色有是名三  
有何謂三漏欲漏有漏無明漏是名三漏何  
謂三漏身口意濁是名三濁何謂三不輕身  
不輕口不輕意不輕是名三不輕何謂三不  
除身不除口不除意不除是名三不除竟  
三法慢箭見箭是名四箭何謂四識住處比丘識  
依色住色爲境界色中止愛相續得增長廣  
大受想行住處亦如是是名四識住處何謂  
四緣生愛若比丘緣衣生愛緣食生愛緣卧  
具生愛緣醫藥生愛是名四緣生愛何謂四  
愛相緣若緣愛生愛緣愛生憎緣憎生憎是  
名四愛相緣何謂四惡道行欲惡道行恚惡  
謂四染欲染色染無色染見染是名四染何

謂口四惡行妄言綺語兩舌惡口是名口四  
惡行何謂四結希望身結瞋恚身結戒盜取  
結見實身結是名四結何謂四箭欲箭瞋箭  
慢箭見箭是名四箭何謂四識住處比丘識  
依色住色爲境界色中止愛相續得增長廣  
大受想行住處亦如是是名四識住處何謂  
四緣生愛若比丘緣衣生愛緣食生愛緣卧  
具生愛緣醫藥生愛是名四緣生愛何謂四  
愛相緣若緣愛生愛緣愛生憎緣憎生憎是  
名四愛相緣何謂四惡道行欲惡道行恚惡  
謂四染欲染色染無色染見染是名四染何

道行畏惡道行癡惡道行是名四惡道行何謂四業煩惱殺生業煩惱竊盜業煩惱邪淫業煩惱妄語業煩惱是名四業煩惱何謂四顛倒無常謂常想顛倒心顛倒見顛倒苦謂樂惱顛倒心顛倒見顛倒無我謂我想顛倒

心顛倒見顛倒不淨謂淨想顛倒心顛倒見顛倒是名四顛倒何謂四怖王法怖賊盜怖火怖水怖是名四怖何謂復有四怖老怖病怖死怖惡趣怖何謂復有四怖波怖洮涌怖洄渡怖失收摩羅怖秦言鷄魚何謂復有四

怖自衰怖誹謗怖孤遺怖無子怖是名復有四怖何謂四退轉法如世尊說四退轉法何謂四比丘尊重瞋恚不尊重正法尊重憎嫉不尊重正法尊重利養不尊重正法尊重恭敬不尊重正法

瞋恚憎嫉 利養恭敬 如是尊重 比丘失道良田敗種 善法不生

是名四退轉法

四法竟

何謂五欲眼識色愛喜適意愛色欲染相續耳鼻舌身識觸亦如是說是名五欲何謂五

蓋欲染著瞋恚睡眠掉悔疑蓋是名五蓋何謂五下分煩惱身見疑惑戒盜欲染恚是名五下分煩惱何謂五上分煩惱色染無色染無明慢掉是名五上分煩惱何謂五道地獄畜生餓鬼人天是名五道何謂五心荒如比丘一疑惑世尊不信不度不解比丘心疑惑世尊心不信不度不解已比丘心不向世尊不信不親近不解已此謂初心荒法僧亦如是復次比丘戒有缺行荒行垢行比丘戒缺行荒行垢行已比丘心不向戒不信不親近不解

比丘不向戒不信不親近不解已是名四心荒復次比丘心惱害諸淨梵行者心荒不信數罵惡言輕謗諸梵淨行者比丘惱害諸梵淨行諸惱害心荒於不信毀罵惡言誣謗諸梵淨行者已比丘心不向諸梵淨行者不信不親近不解比丘心不向諸梵淨行者不信不親近不解已是名五心荒何謂五心纏如比丘身不離染不離欲不離愛不離渴不離燃熱比丘不離染不離欲不離愛不離渴不離燃熱已比丘心不向勤進信寂靜斷結比

丘不向勤進信寂靜斷結已此謂初心纏復次比丘勤行色欲等樂勤行卧具睡眠樂比丘勤行色欲等樂勤行卧具睡眠樂已比丘心不向勤精進正信寂靜行斷結比丘心不向勤精進正信寂靜行斷結已是名第二第三心纏復次比丘得少進便住不上求未得欲得未解欲解未證欲證比丘得少進便住不上求未得欲得未解欲解未證欲證已比丘不向勤精進正信寂靜行斷結比丘心不向勤精進正信寂靜行斷結已是名第四心

纏復次比丘希望生種種天上故行梵淨行我以此戒道苦行梵淨行令我作天王或作輔臣比丘希望生種種天上故行梵淨行我以此戒道苦行梵淨行令我作天王我作輔臣已比丘心不向勤精進正信寂靜行斷結比丘心不向勤精進正信寂靜行斷結已是名五心纏何謂五怖若殺生緣殺生故於現世怖未來世怖竊盜邪淫語飲酒放逸處怖亦如是是名五怖五恐亦如是何謂五無間殺父無間殺母無間殺阿羅漢無間破衆

僧無間惡心出佛身血無間是名五無間何謂五犯戒殺生盜竊邪淫妄語飲酒放逸是名五犯戒何謂五非法語非時語無實語無義語非法語不調順語是名五非法語何謂五不樂不樂獨處不樂出世不樂寂靜不樂

梵行不樂諸善法是名五不樂何謂五憎惡不親自親不應呵橫呵數到白衣家常喜多語好行乞求是名五憎惡何謂五瞋恚本法作礙觸惱瞋恚諍訟專熱是名五瞋恚本法何謂五憂本法憂悲苦惱衆苦是名五憂本法

何謂五嫉妬舍宅嫉妬豪族嫉妬利養嫉妬名聞嫉妬恭敬嫉妬是名五嫉妬何謂五緣生睡眠久嗟疊懵不樂身重心沈沒是名五緣生睡眠何謂犯戒五過患自招衰損爲他呵責惡名流布死時有悔後墮惡道是名犯戒五過患何謂復有犯戒五過患緣犯戒故未得財物不得已得財物欺奪若至刹利衆婆羅門衆居士衆沙門衆中心懷恐懼爲沙門婆羅門遠稱過惡身壞命終便墮惡道是名犯戒五過患何謂五不敬順不敬順父母

第  
一  
一  
七  
冊

永樂北藏

阿毗曇論

第一一七冊

沙門婆羅門尊長不敬順竟法

舍利弗阿毗曇論卷第十五